




10148

寄京口范艮山先生司空



恭審台臺德出天成神本嶽降勳在盟府望係
蒼生今者帝眷優隆晉登百揆余小子某受天
之祜躬逢美盛自慙章句豎儒奉教八座無階
重辱台臺猥以國士垂遇收諸滋培之中而物
色之而剪拂之卽如告曠一節驟接家報荆婦
負病岌岌危殆曾未匝日輒放之歸而以堂准
呈詞立發馬廳掛號給付其他比例陳情俱不
許可極感台臺破格俯顧不肖何緣而違茲特
管泐集

卷四

三七

典哉卽古稱啣珠投環未足効犬馬萬一凡諸
部下人士所不肝腦塗地而傾心嚮往者非夫
也某某誦義戴仁當世世未之矣謹函尺素之
書鳴酬不報之德伏惟矜亮不任企瞻

答馮李郁季雅

蕭寺一晤卽出吊東廓究山氏作兩宿客與刺
史公叙致舊濶首齒足下足下今之來亦以吊
汪封君來耶無何亟謀歸志歸胡乃若斯邇也
念刺史綠野池差可留行度臘敝邑諸山水亦

可以供吟眺而白嶽不逢文星再降豈山不靈
尚是雲心广主人無緣乎拜嘉文惠朗誦翰篇
節節道故故舊知交無以印正聊檢管涔鸞音
近刻奏覽一切孟浪妄作皆壯夫所羞爲而以
辱高手之彈射耶譚凡同兵部張履台刑部會
間希佈區區

答程康侯大叅

登堂登樓劇語密語時姚給諫拍肩在坐似服
王烈石髓沉濁頓覺滌除貴同年潘尚寶不愁
管涔集

卷四

三

不祿陡遭鼻瘡驟化異物門下悲悼長嘆誼倍
生前儼若哭諸寢門左右昔士衡傷暱交之逝
予期賦舊侶之亡門下類之門下其仁人歟不
佞某荷尚寶矢石交幾廿寒暑駭聞萎報欷歔
杖涕起九京之無從也折棟之哀欲宣之遣吊
遲門下文成幸早書登軸便携稍去顧門下如
椽筆也榻管攤詞故自字字淚淚珠薄奠章
聊當一薌一縑耳邵太常汪司業並皆年義倘
亦有意乎未未便聞問是在門下

答皖城阮澹宇民部

藉有夙因得挹温王之容竊以爲海內若門下
歛然軒冕其人焉者指必不二三屈也門下固
自超超高品何當當丁生謏謏之夫而逢之半
月間沃聆玄詣鄙吝都消誦所惠佳詩若文真
如玄圃仙人飛下紫泥金籙漫視殆非世人語
味之故沈瀝玉液耳悔恨淹跡塵寰奉教日淺
致莫伸觴慙懃酬酢實緣輜車過駕嗣後允宜
以真精神往還交相一息萬古焉安慶林郡丞
管涔集

卷四

五

鄭節推二公四律俊逸多致恪遵面命越常補
續更兼妙作耀暎嶽靈以名之其山此則鄙悰
所夙望於門下者門下出櫝與共無秘藏夜光
也知發軔於明之黎明虞踰嶺追送不逮期篝
燈手勒以代躬

答汪錫予

詞人文士腹中有墨汁筆下有鋒刃便如張桓
侯橫丈八戈矛聞戰陳則技癢古有蔡曹稽阮
江鮑陶任諸名家今則仁兄耶弟非其人自慚

自訟遠弗逮古作者尺一酬接隨時隨應潦倒
粗疎堪比瓌虫無學無才技倆限此此時意欲
合梓緣散帙雜亂未次第竄正須得宗工鴻筆
題削潤飾始乃鉛刀雕朽以載之拙集中茲盖
有待焉耳金吾後念之日屆劉聖隣誕期期往
計乃歸聞仁兄借金鼎明作浙遊果否入新弟
極願踵門吐故只因病魔囚體依然不釋手足
若戟形神若石罔能樞戶以外出擬小愈當同
仁兄二三兄弟譚叢東臯之上

管涔集

卷四

四

寄姑孰朱起宇明府

當台丈登鄉薦聯上第曾習盛名矣顧麋鹿之
跡潛伏嵯巖無由趨承下風至宏雅之度冲夷
之襟足以超崧臯吞雲夢者未始不從隣封耳
之也台丈儼然居朱門而等若蓬戶斯誠當世
寡儔承恩蘭若華林慧吾兩上人並屬台丈舊
知不佞弟未有生平之素突然信宿高軒交歡
若故乃兩夕席羅列方丈侈談千古遂成莫逆
哉其所感戢殆不啻燕飲酬酢間者昔任彥升

不惜齒牙餘芬獎借後進昌黎題長吉壁欲驟
得令名操觚之士迄今以爲美談如某庠生屬
不佞道友蒙薦之鄧兵憲門下某儒生屬不佞
內戚蒙薦之陳司理門下種種愛賢好士之風
行且沛然溢寰海矣倂來無以寄懷聊具非煙
侑柬而詹吏部草書而丁山人彩畫代兩生貢
致記室

寄程嵩毓祠部

締交門下餘念年所中間亦密亦淡密不爲狎
管涔集

卷四

四

淡不爲踈政惟是淡然水若交乃古也古君子
哉我台丈其人焉邇者此番盤桓承聆玄誨時
而旭山之嘖時而汶水之濱時而天門絕頂會
不約之約東西南北足跡幾遍昔人謂州有九
涉其八也王猷之興馮驩之誼豈足多乎和歌
闔奕浮白呼盧意興勃勃偶爾塵韁有秣陵廣
陵之遊匆匆間未便樞趨并未能俟駕榮發作
洪亭祖道日出之光爛爛流思耳八駿豆端規
制古雅造琢竒巧惟某某先台丈行故其文不

以贖而以別

寄洪都黃道庸孝廉

道過祁閩僅一謁令旋遂避地晦跡誓弗關說
深大猶介自非夷由難有此趣操足下真高品
耶弟政謂道義之心交當如是不如是不見心
不心不可久不久不足以成道義足下和清君子
業已履素而躬行之不佞弟夫復何言而今
以足下托徐明府傳語一節言之足下明府弟
知己也知己者必能道知己之素弟實非固辭
管涔集

卷四

聖

直是詩逋文債懶窳踈脫足下當下垂憐而弟
幸矣劉仲弢給諫款留信宿盤桓平原流觥飛
翰亦再亦三前書稱一病而令至人在望未長
領警咳音後書稱一見而得陶陶未夕病漸霍
然向愈斯情斯誼弟何可拂衣去哉却有必不
可已事不得不去聊簿暮入署決去詰朝此不
移已念此土第與足下有客中之主之道祇恐
弟去而河梁間乏東道主足下孤立無隣寥寂
作苦耳青錢千文助佐買舟

答吳四嶽

自分駢拇無補世庸方歛影逃形匡坐編蓬之
下而仁丈篤厚舊好惠教新編誦之不能釋手
雄渾悲壯酷肖少陵沉融瀟遠酷肖右丞至若
蒼然之色淵然之光似欲騎日月而扣鴻濛輓
近代脩辭家那能等埒哉相距城郭曠隔雲霄
健美仁丈亭亭高竦不緇塵壒一吟一味恣意
自豪歸然魯靈光殿也兼之麟角鳳毛瑚璉美
器茂齡英譽行將紆青拖紫朱丹其轂端可立
管涔集

卷四

四

待反乃耀衰容於明鑑驅病腕以椽筆夫豈不
佞蹇淺之夫所能貞乎渴願烹茗芝山尋盟練
水作移日之談逡巡弗果握手何期縷縷之懷
面覲乃申

寄鎮南馬蒼麓先生少叅

拜別以還九兩奉尺書申訊臺下一附貴舊寮
友一寄敝鄉商人杳弗聞起居狀得無作殷洪
喬乎歲癸卯夏撥餉給引猥蒙臺下開誠布交
惠愛特渥藹藹乎有仲宣稚圭偉長公幹之風

鄙生某迄今感尚刺骨亦迄今神情無時時不
往來席左天乃困彼方民令臺下驟以左遷行
將主爵者之公道安在夫臺下此舉直毗蟬之
撼大樹鵙鷄之笑鳳凰耳譬猶白蓮花煉火坑
中久之益芬且鮮潔且皜焉仰冀臺下精以珍
身緒及天下養天下和平之福將古祁黃羊之
事再見今日卽平越猶之乎高都也詩云敷政
優優百祿是道其臺下之謂乎

答程浩然

管涔集

卷四

四

不佞才埒醯鷄學慙半豹固田畔寒峻所不叙
足下何從得之而推爲作家漫眼青也將不佞
愧甚然而私衷鏤之矣南塲七作譬之曲池流
水埜逕踈花一目一過意態都盡胡當足下評
獎逢人齒頰津津不已母乃愛欲助之而故飾
朽淬鈍耶抑或用黃魯直秦太虛輩語真以爲
然耶居常嘗艷足下文才朗潤丰度粹美物華
國寶玉瓚黃流其所精造博士家言陸離彪炳
舉世莫上故應龍翔鳳翥置諸金華鑿坡之地

乃猶然都邑蜚聲是使不佞不能不生憎於司
命者也不佞僂謏無論已天下豈有才若而兄
而竟爾爾乎風雲之勢已具袖中今不過三年
淹耳荒集久久枕架近會李本寧太史千秋高
業罔我鄙夷慨然錫序輒復穢紙日承諄問質
覽文几

答京口吳蔓之司訓

莊誦手教洞悉肝膈日高齋沃心之明日旋復
還山中山中掩關兀坐木石爲伍聞見障塞何
管涔集

卷四

五

如藍袍諸生閭閻侍側者之自樂地也不佞自
維未能窺唐人之藩邪堪出詩歌與賢士大夫
角迺陳美用公祖不我彼哉諄諄命門下索應
撫按兩臺將毋誤賞巴音耶拙表深愧不工謬
蒙比擬六朝愈令小慧之夫難脫繡鞶餘習已
門下禪宗三昧登壇揮演故自語語大乘不作
沾沾小品

答金麗陽侍御

空諸閣告成羣仙真御臨奚翅澹林主人憑虛

借輝就此滿目千仞環繞劔戟偶蒙門下題額
字字對景更操生花之筆撫扁大書道健矯逸
恣態橫生宛若龍游鳳翥從九天下睠茲面面
芙蓉之贈何減右軍臨池風迴雲散烟霏霞結
大足增我草堂之勝矣單疏叙謝延頸重登兼
以謝公家半偈庵沉醉芳罇

與婺州曹泰宇

某垂髫時遊尊公先師門過承先師循循然煦
煦然用忱用愛靡所弗周方是時足下年才七
管涔集

卷四

聖六

歲步子建七步才同窻朋儕咸竒之器之人人
號爲千里神駒亡何痘災流行使足下抱左丘
明失明之憾悼彼造化橫弄小兒於善人忒無
目哉飲恨十餘禩以還常常向景山元吉諸君
饑渴足下願謀一面乃夏間忽逢故人私大雀
躍得償所願焉盤桓兩月不忍別離每追念先
師厚誼怦怦然動古德之思苦先師鴻才積學
不一克展尤幸有令兄精舉子業能善繼志兼
之足下洞析易義悟入先天而先天卦數直窺

造化玄機神乎神乎不失明恐未必有今日自
今而觀益信天之瞽足下者天之所以成足下
也足下期許不佞功名不佞雅旁究性命絕弗
作未來想第所云神明默相一節不佞今受其
眷已猛自反生平實無隱德何以能蒙神庇爾
爾顧事頗異言之可笑殊非筆札所能悉言俟
足下獻春重臨面述之耳命駕預示期俾某預
掃榻

寄東牟李明馨民部

管涔集

卷四

七

昔張茂先向褚季雅之贊二陸曰公家兄弟如
龍躍雲津門下昆玉淵識宏才爛霞燦日分奇
兢秀賢書共登履篤備之美擅詞章之譽彬彬
乎盛哉一時雙龍聯翩海內爭誇奇特何意天
球之寶蘊櫝含藏初職膺組願掌邦教丕闡杏
壇之風循敷文禮之誘金口木舌百世師表竊
謂儒臣柄用主盟斯文行且黼黻皇猷流光莪
苑卽滄溟讓潤嵩恒讓高此則門下之優爲者
不佞碌碌僻處遐陬無能追拜後車之清塵偶

敝郡江文學由皖城來出翰牘詩箋殷殷貶辱
仰見望外隆施深感虛懷大雅誦佳詩言言比
鈞天之樂詞翰絕倫十五城不與易也文學君
口傳密旨不佞生惶悚汗流顧區區夙志似差
可入道而學力淺薄伎倆易窮辟則腐草之變
流螢朽株之蒸朝露一瞬剥落傾覆難滋翹首
青紫未隔雲霄言念門下高情時時私襲五內
長懷國士之感焉耳若乃云云夫豈迷津之夫
所望於指南者乎專械裁謝畧陳嚮往

管涔集

卷四

哭

與張幼裁

冬且至而仁兄仁壽亦且先冬之至至通邑大
鄉朋儕眷屬趨踰蘭臺世第濟濟稱觴而弟頃
從淮海歸肝火燥炎痲痺乃齒其于人禮蓋缺
缺如浴手笥中恪檢漢銅圖書一方字曰天壽
之章聊借義於漢庭矣天平格若而象乎日昨
踵門補祝值駕西征揖讓賢郎賢郎天質穎秀
神明煥發有翩翩俊逸才不日吐華擷采洩之
文章炳炳郁郁大英物也雲間張七澤比部邇

遊黃山白嶽晉接同門令君止止兄家青青林
圃惺惺問心彼時弟政治裝作南都遊過承比
部公垂訪僅暫逗延相話言須臾未遑啣杯脩
平原十日雖無避客之嫌却抱東君之耻戀戀
此中悚仄弗寧嗣儻遲逢傳羽燕京幸先覓鴻
佈意雲間

又

幼裁善男子也蘊菩提心作出世事脩出世法
廣布衆生先施凡弟無量無邊不可思議耶詰

管涔集

卷四

四九

朝十九會大士降誕辰敬沐浴供奉頂禮和南
誦施主功德

與嘉禾朱爾兼

始不佞之艷足下名於行卷也蓋心飛焉旣而
社友注小子庚嘖嘖口足下才不能休以爲羊
角晏平退避三舍矣頃颺輪惠顧澹林得奉頽
教濁醪清談娓娓名理挹之若幽蘭叢桂扣之
若大呂洪鐘見踰所聞知先於面數年神交之
懷兩夕繾綣殆半悔未能款淹玄度頻暢襟情

傾吐揮霍令千古動色仍期之獻春海國桃花
行放時耳已又捐珍貺鴻章倚醉讀之神竦雙
眸張而弗下詰朝洗心潛玩精采奕奕比諸勃
律河中碧玉復經昆吾手琢便足價重連城方
來社稷謨猷之寄必此文焉必此人焉卽當今
文苑主盟寧能舍足下而他哉不佞懶措大耳
文不程古語每師心磨磨牢騷所不足道徒空
以無味之姓名咀碎文人唇吻間而不知齒髮
墮落精氣銷亡嗟嗟已矣無復爲以矣思欲拋
管涔集

卷四

五

智公之筆燒君笛之硯謝絕綺語痼障疾遁荒
遯之野尋憶念空諸閣上與足下相對談天評
定慶曆諸名家以千秋之業則拔其尤者王汪
李屠若而人以帖括之稅則拔其尤者鄧馮陶
湯若而人意見玄同曲折符合芬旨于口莫逆
于心知己哉以此似猶可聞道轉維青雲路隔
丘壑緣深終當是煙牕霞島中人偶木石狎禽
魚作山澤癯朽足爾那得仰攀足下神龍威鳳
翺翔千仞之上也拙刻土苴汗漫俯念愚父子

世蒙愛雅勉爾就正茲勒寸牘權林道故弗悉
所蘊

奉答襄陽魯子與師農部

正馳想間歛爾雲箋從雲陽來盥手開誦儼挹
德範與知大江以西籍重監兌監兌國儲攸關
吾師臨以寬惠仁恕戶口爭相轉輸舳艫爭相
載運將見盛績直動朝端且道路洋洋誇渥澤
而被沾潤卽彭蠡不足爲多寧獨區區下邑之
耆老士民薦紳大夫去而見思哉之今日西江
管涔集

卷四

五

則又同焉不肖某無似重蒙殊愛宛若骨肉乃
期望青雲之譽希冀快愉之情欸欸流溢簡篇
竊自揣其何能克副厚望只銘佩以圖奮焉耳
當今礦稅之使紛馳毒流下郡未艾聞貴邦業
且受殃此時事之大可駭可怖者吾師自憐憐
人自度度人常爲舊子民懷抱殷憂斯何等惻
隱而更以明哲之道詔某某繼今以往知所趨
避老師錫祚無量矣舍親金敝友潘雅與不肖
善向宇下業曾忝收門墻今其來各就中書一

職圖贈二親地下百九乞善視之西粵褚諫垣
曩承賦祝赤柬答謝附上台臺專以俛台臺穀
社

答汪惟中

人日李本寧太史所贈書若文乃於佻來尊楫
中啓出來佻其來以月正元耶書極藻麗綢繆
其情文極淹博琳琅其章通篇徹首徹尾無一
字不繪飾甚非不佞寡昧無聞知之人所能肩
者捧之驚喜快讀之若河伯望海直返走耳此

管涔集

卷四

五

公人品高泰岱文章妙天下馳驅千古簸蕩三
才剖判以來無兩竊意千載而下求如其人焉
恐不世出也者不佞猥以鷄肋小技濫叨冠序
真何殊蒹葭之倚玉樹石火之投暉靈乎過承
信使郵致深伋足下遠誼顧不佞與足下隔江
睽別眇焉莫音周子居常云吾時月不見黃叔
度則鄙吝之心復生信哉諒也夫

寄祁閻方心泉

邇乃思丘中之隱士樂川上之執竿于是遠念

長想超然若遺條逢仁丈重臨坐擁笑咤面面
芙蓉之上遊心皜素栖志淡漠鑒乎古今滌情
蕩欲返之乎物初自是風塵外超超品澁旬僕
靜耳幽人佳話便自冷然飲水昔种明逸王無
功才高學古壯不第隱於豹林谷青崖封戶白
雲度牖引蘿月而爲偈聽山泉而洗心性頗嗜
酒常躬種秫若黍以自釀曰空山清寂聊以養
和耳丈業追种王之踪僕每懷尚平之志蕭寥
閑適屏居寡營闢地栽名花焚香讀異書佛奴
管涔集

卷四

五

道民烟朋霞友念欲輕外齊物葆吾內真雕龍
鞿悅又何戀乎介推有言身將隱矣焉用文之
而我兩人氣味旣合良緣在茲何時芒鞋布帽
相與訪安期羨門共尋海上靈藥瓊草便可了
當一生無問人間事矣

奉復馮具區師大司成

重沐師恩寵贈墓誌闡幽揚燬字字不朽真是
太史公如椽筆脫非道義骨肉那得有此此自
老師憐寡慈之苦篤孤徒之舊輒慨然陋子政

於下風爲重泉之照耶私何敢忘感何能泯當年襄事枉吊幙幃不孝孤劇冗中禮弗克週尚恃老師洪度忘却弟子之於師國子生之於國師耳茫茫送終以來雖小憇息仍未盡竣茲庀不腆少將寸忱仰乞垂鑒

答吳端明

劣戚杜門避客專精趣學有年矣然而志大才踈知希用拙生休明之世而不逢明主司天之施予何其寡歟退自揆淺薄應阨陽九無足充

管涔集

卷四

五

者昔桓君山鴻漸鍛羽儀於高雲馮敬通鳳起摧迅翮於風穴豈彼才不足而行有遺哉雖以賢智猶然不免矧若不佞之蘧蔭戚施者乎緬惟內侄雅達聰哲弘敏多英接士盡謙虛之容親仁罄丹府之敬至左顧不佞更倍爲注情徂歲暮飛翰見訊披衷露素覩秋闈南錄極爲不佞扼腕斯之戚義在遠逾敦不佞懊惱之餘知有銘鏤焉耳諺曰誰爲爲之孰令聽之盖伯牙鼓琴鍾子善聽士非知己烏能賞音內侄其不

佞之鍾子耶京山李翼軒太史千秋藝苑九州
一人曩蒙不棄收之少友近謂不佞管涔集堪
比陳遵襦衡不佞惶愧一班太史鄭重題辭此
何異飾錦纈於里婦也者池陽丁默存翰檢以
統宗至婆娑匝月相得甚歡與庚兒昕夕談稊
津津靡勸每閱課刻輒擊節贊賞於是欣然贈
序不求自合大有忘年傾倒之忱玉堂中真君
子哉兩史筆弗敢秘都壽諸木以弁之首今其
便並寄覽於內侄郢中

管涔集

卷四

五

又

逆車乘之載道業久何期至今無南還期不佞
家居熟知賢閩長膺足疾條痊條復陰豎作祟
未能驅除不佞忝在周親雖頻遣問實懷隱憂
苦無肘後妙術足以已止君家內庭疾病且柰
何哉內侄忠勤公事淹留蘄州善則善矣寧獨
無炊臼之情乎抑經營在手勢弗皇也近寒家
資斧若干濫遭資溪某氏逋負冒霏而出取償
無幾今其人其家數十口夜半潛逃莫知所之

不佞株守兀坐邑邑無聊兼之環儀典當節被
海道縣君商政行雷屬不佞倡首條陳近稍稍
解免以若所遭悶何似之昔人所謂仰面看屋
梁冷淡生涯耳遙憶內侄超超玄詣稜稜風骨
根氣夙生才情復朗宜其利己利人盡美盡善
直令卑瑣之夫歛手退矣全楚人文近刻遠頒
足仍嫻義外薄寄非足報瑤聊見盈盈一水區
區一念耳秋云高矣漠南宴然

答興古佘中海孝廉

管涔集

卷四

五十六

無射采葵轟接手翰情則懃渠懇到辭則文采
竒葩迨篇中鏤飾不佞過譽過高似誤認烏鳶
腐鼠爲神龍威鳳也者足下豈頓忘其固陋且
不敏而衡鑒非倫所弗顧耶庸詎知不佞蓋謏
謏者無襪線之能有好古之僻居則企足下才
擅國器名冠時髦當束髮弄觚時侈談當世豪
傑輒屈指足下私心竊傾嚮之不異地球之慕
已而從龔聞仲得交足下曾把臂無何年久矣
夫悼聞仲之不祿矣繼蒙不鄙妄收麋鹿之跡

置諸文詞藝苑中結携帶握揚扞風騷相與狎
主齊盟曷千秋勝業若乃卓立羣雄爲吾黨生
色則足下其尤焉第非其人那能綜緝墳典展
布謀猷散采垂華流光後世如足下之所期而
至乎可自慙筋駑肉緩懶與疵接固雖弗甘暴
棄帖括是耽終恐休明之朝小道弗尊直道難
客行且已焉哉着脚於豐草長林巖穴自老云
爾雖然頭顱固大神氣未衰還當勇往求無傷
足下知人之明

管涔集

卷四

五

答金戴槐客部

孤不孝罪孽深重天降大罰禍延寡慈以罹斯
終天慘也寢處苦塊形槁神迷生罔能以祿養
養沒罔能以終身慕慕恫恫五內號泣欲死恨
不從先慈而地下遊孤不孝何以爲人哉重辱
台丈文莫名誅寵及九淵聲聲成楚字字剖肝
不孝孤揣分自維實莫敢當感寧獨生者乎彼
其時扶曳泥首暫謝之鶴山行館乃台駕駕矣
惟茲居憂以來人間酬應都廢卽如爾者台丈

奉俞命榮歸不孝孤儼然衰經中讀禮未畢吉
禮有禁因是成享缺焉歎焉縱台丈之雅量垂
寬而不佞之踈節彌著矣敢問貴同部馮公某
某向嘗榜首全浙近業補任禮曹今轉何衙門
官何官乎此公昨寄有遊齊雲詩藉李君侯入
覲旋發之金斗陽羽宮轉投不佞續志書中不
佞當令剗剗從事註此公職啣願聞指詔專謝
附諮

答天台施九岳

管涔集

卷四

五

虞衡部署卒然相遇夢想清塵爲歲已積歲戊
戌貴社項君侯高掇巍第結綬金庭文章飾治
宰割巖邑親賢友仁下交下士因是不佞荷之
隆禮殊遇倒屣携遊遊談間詢故舊豪雋爰得
足下起居狀以爲有蓬萊僊吏可作東道主是
宜裹糧杖策而來論道討文三續舊歡風聞履
綦乃東東來紫氣冉冉暎天都峰希冀把臂作
大笑無何儼然惠臨未覩顏光先接綺翰開讀
之而雲霓之色撲人眉宇兼錫詩箋情思道麗

丰韻瀟疎肅肅如松下風濯濯如月中柳不佞披襟散髮坐青陰茂樹下一吟一誦冷然獨暢逍遙人外微幸侈矣足下昔君侯同盟今邑宰重客駐宿公館嚴寒襲人蓋公館乃城市都會之區邑宰官箴攸關似涉瓜田疑嫌願卽遷徙幽巖題味名嶽所恃道交敢佈腹心

答星源汪蔡子

爾時散髮偃卧以來羨慕陶賀兩君子逃虛之風彌自懶放其于遐方交遊姑置夢寐卽以名管泠集

卷四

五

區名流若足下文士其人者人代艷異且近在接壤間固應比隣比肩柰何哉當吾身而識荆之晚也猶幸徂秋睹眉宇於白沙旅中雖奉教移畧而所獲益不啻大貝南宮悔彼時不佞瘡疥作祟浸尋二毛因無能灑酒授餐則客旅主人簡客之罪罔攸追矣今年春擬飛雙魚奏訊倏爾瑤槭先惠韶音把繹之飄飄而攄錦霞霏霏而吐玉屑想見足下器度淵弘天葩藻發足下殆古之鄧道徽毛彥伯流亞耶來翰自謂催

隕取蹶自是英雄困文戰高才暫訕息耳稍展
千里之足揮負天之翼行且歷塊搏風何慮鷗
鵬騏驥久爲淹伏哉愚父子儼淺豎魯濫叨虛
聲慙慙無色迺足下誤聽而締交之降心敝帚
之業過情謝荀之譽故知盛德無損謙光特令
承之者愈重色慙耳平湖羅孝可明府天下士
也文章吏治目中罕兩聞與足下夙相友善而
愚兒一青衿諸生無所介紹猥蒙明府序文溢
贈歡若生平洋洋灑灑球琳其章愚兒何因際
管涔集

卷四

六

此豈以後進可友而願下交耶抑踵蔡子足下
揚扈之雅誼推寒家太史桑梓之鄉情遂有意
玄晏直取之子之文而鏤飾之耶愚兒愧靡當
不佞感靡置但不識何時可偕明府握麈尾一
就足下三相暢款洽之懷有懷眷戀

與吳康侯吳公勵

庚年禮闈聚首迨今遂成石交亦自是同調同
臭味焉落第以還我曹八九子豈啻脫抑鬱懷
抱轉覺神趣倍王乃見天壤間產這種奇人異

度相期死奮定當逢年世人或咤其狂或嘲其怪都任之耳登高佩萸不約而約某姬若有待而然欣相弄月於竹梧之陰靜聽簫聲宛如神女之下瑤臺也愧梵宮寂寥無庖人供具則清凉寺寓人徒餉客以清凉哉極擬趨談偶所別往崑力馳拙文拙表干削於班倂之門博兩足下一鼓掌

答金斗劉紫芝工部

門下下視不佞豈不明時一逸民之曠達者乎

管涔集

卷四

全

瀟然髮僧一香一茗攤書獨坐悔恨弱冠時自墮汗漫誤落雕龍窟中行年三十時謬以冷淡姓字恣人齒頰流連逮今今回想之慙汗尚泔泔泔下卽如門下長者擅采藝林標名仕藉固當驕倨軒冕土苴蕪辭乃向貴部縉紳貴宗人士頻贊拙集不置豈其有劉邕之嗜耶政恨面隔景逸倏爾車駕先施其爲莞幸何言瞻茲龍門在望親炙有期再圖樞衣門下佩玉屑倚馨馥一披拂玄風乎頃讀門下奏疏具關國計民生

中間讜言格論指陳時弊厥惟良顯雖賈陸之材畧衡向之經術當不是過已又得鳩園適語大要精研性命希心太上煥乎懿哉已又又覽雲巖佳句風神俊逸翩翩乎有逍遙垂天之度然一時獲雙璧何減尺二珠承命續志隨付鐫工異日者登而誦之直令衆山皆響矣中霄分袂握別黯然

答程獻之

棘院曲房披覩顏色抵掌欵談頓足起舞其在管涔集

卷四

全

不佞蓋握蘭之餘臭倚玉之末光也葛勃之願伯鸞之欲何兩得歟時甫匝旬士貢以鄉不佞元具鴛胎固當絆蹶足下素擅千里亦未超展咄咄怪事堪自憐復堪自惜世無彭惠安不登劄薦席則吾兩人者豈非未定之天於主司又何憾焉昨歲晏捧接雲章闕壯儁偉精麗典雅有建安西京之風然則高足下者誠何啻博士孰哉不佞直畸世賤夫耳斗筭鄙器斤斤無能力不折秋蟲之股智不工鼯鼠之技平居綴拾

藝圃鹵莽粗疎無半字可當述作濡削翰牘酬
應朋好弄筆調娛無益於俗當年悞蒙湖海文
人投蘭斷金捐橐授梓然燕石載於寶匣徒爲
識者之羞足下大蒐珊瑚木難上奏明月乃亦
溷以魚目耶兒曹么麼小子叨備君家甥行十
載蹇蹇今夏纔採泮芹若異折桂林一枝真如
望九天僊真胡能當足下所譽天球奇寶誇絕
宇內異日可圖不朽盛事也者足下期望隆矣
厚矣獨不顧盱衡非人重傷賞鑒之哲乎崱楛
管涔集

卷四

三

勒復兼酬來雅何時駕臨中城不佞當掃荒齋
以迓文旆

答毗陵崔惟承觀察

京兆秋試弗售自慙鼓瑟齊門且瑟弗工烏問
竽好比知駕抵白下曾屢訪不值尋卽潛迹靈
谷叢林致知已台範杳然睽隔悵悵聞北上伊
邇旅邸周章四顧躊躇念金上舍燕都候選徐
文學復與偕文學屬及門高足二君昔年朋受
恩薦於郡二千石黃堂仗庇不淺台丈一就臈

之知必無靳也張侍御公巡狩八閩死于王事
令子幼裁孤身子立吊望痛傷近奔喪纔歸不
佞第政欲力固交情一破世眼豈期台丈亦推
愛垂憐乃爾非峻德側衷詎寧能乎死者含情
死者之子之子之友更含情矣日內不佞弟以
內子悲泣其嚴親病危觸目成哀接湯君茂才
手授華牘冗劇裁答仍授之茂才湯君

答婺州汪仲邁

蓮山書院厠侍研筆垂廿有八載師生友朋解

管涔集

卷四

十四

枕星散中間僅一覲頰光昨在顧叙舊乃知足
下長作壯遊足跡遍名區聲譽達四海而第踟
躑孤城抱甕息機顛毛種種有過無聞昔人所
謂送盛年於鷄肋銷雄心於馬蹄良足悲也丁
酉以前不佞弟希心濂洛學道罔成落障痼於
雕蟲末技過蒙寓內詞人顯侶遞相眼青黃麻
薄蹠絨蘇固蠟惟是不佞往還酬答漫自託於
無能之辭辱之捐金菑木小成管涔未嘗歷龍
門而探會稽妄欲以潢汙而溷七澤難矣難矣

手編有齊雲志忘憶當年會晤時曾獻圖與否
今並蘿山社草合就正大匠之門幸無吝漏影
刀鋒繩削之耳寒家構有閣名曰空諸高可四
十尺白嶽松蘿落石玉几四面環繞雨花雪月
頗散人懷足下從何客入聰亦且喜登其上
一
逃覽乎不佞弟三年後以吟以卧作老蠹魚此
中差足自老又何必美艷塵世所難必之浮名
哉歸休志念決計於鮮今日遇故人遂不覺媿
媿爾爾戎蓋之錫珍若懸黎謝無言已明午淨
管涔集

卷四

空

榻拱接餘歡先扎告虔屆期延佇

答鄖陽蔣姑蘇顧二廣文

宛陵崔兵憲由池陽來特訪不佞深山中不佞
偶以脩志事蹉跎城市竟爾避客此兄舉業正
式蹈履端方邁然懿風毫無高第習氣不佞心
竊嘉之重陽登塔把菊佩萸携手步遊道歷覺
官相與跡尊經閣觀文筆峰隨蒙優接庭實纍
纍海壖充盈味不釋口昔王子猷訪戴舟興盡
便返今偶逢門下兩公會是高人之緣未絕自

令猶沐下風耳日者不佞盛道兩公才品崔兄
亟稱兩公年誼兩公誠有意於款浹乎須俟伊
商山閔口還急足報聞便兩公合作東道主無
不可可華槭交章薦高孝廉梅山人詩登鉞志
書特長歌此類壽梨訖功確不可移難於舉一
廢百幸速令其人作五言七言插而入之酬來
雅也不佞自承斯任都人士責望者甚夥大都
甲可乙否論工論拙其難其慎罔敢徇私此實
體貼邑大夫意旨安可妄費父母俸錢作子民
管涔集

卷四

套

工直爲如門下多士則已破例饒矣汪永叔詩
邑署中未發出李長白不識名誰

答梁化温玉如

不佞與足下無生平之素足下偕廣城盧君械
書牘載綵悅走蒼頭白下轉致魯君侯琴堂定
交不佞綢繆繾綣情辭婉至豈延津神物近挂
眉端乎何望氣而識其人也其人迂愚落穆才
不濟世恬于進取用拙忘機不幸弱齡浮慕李
永和氏攤書萬卷比擬南面百城弄筆調娛爲

當世耳食人所矚就又踈中熱腸捐身利物以
七尺爲天下死而實無毛髮利益於天下足下
盧君雙雙天聰誤聽何客謬交丁生且置古豪
俠滕達道裴寬敏流亞中殊不知荅枯萎折其
神色已見風霜而槁矣比及明年相逢吳越抵
掌款談兩足忻賞伏習足下砥節勵行有井渫
之潔安貧樂志無風塵之慕脫令寄跡康衢必
能結軌驥駉耀質廊廟必能垂光瑜璠豈與夫
捭岸之民擁柴車據胡牀攻掠商旅厲辭投劍
者同年語哉魯君疾不佞之師也宰休四載清
真簡正森森如千丈松數萬里外號神明令疇
曩理廣州時蛾眉取忌橫構讒口行路嘆喏朝
紳扼腕未幾誣枉煎雪公道丕昭當年禁中得
足下諸傑士歲時問勞慇懃進宴有古節俠風
而朱文學翟山人意氣頡頏誼復不減凡諸見
聞莫不傳誦至今猶以穆天子時之八駿名

答岳陽胡還純孝廉

夫足下豈不審不佞才之無當而漫謬禮恭哉

申如蘭之契收比德之隣心則下而誼則高矣
不佞五官若缺那足供人描畫廼足下過聽而
溢譽之積鼠璞以十襲混魚目於照乘則不佞
有髣髴巾幗逡巡而逃焉耳足下文才雄卓行
麗心事燦亮瑩潔向得之令叔齋中頗備今便
識荆誠何必締交於生平叙款於杯酌而後稱
知己也纏游黃嶽遂卽還楚一離桂林旦暮就
遠白雲在天山川間之眷然東顧汗下若洩

答晉寧師熙明

管涔集

卷四

交

四十無聞言之慙慙卽杜門削跡疾遁幽巖尚
不足益身前三十九非那敢求多於四千四百
五甲子矧乃辱之足下楫書殊貺乎仁人用情
固不啻厚將令不佞承之者慙慙彌甚已所委
序文容圖報命竊自鏡蹇塞凡蕪素無王燦杜
甫之才復乏桓玄洪遠之識徒覘顏毛穎嚙嚙
不休嗟比叔鸞之奉母一作驢鳴耳勿勿草謝
不罄鄙俚何時晤言以傾渴抱

